



RADIO STARI GRAD d.o.o., Sarajevo, Urijan Dedina 7, objavljuje Pravila učestvovanja u Nagradnoj Igri „Vrijeme je za ljubav“.

Član 1.

Priređivač Nagradne Igre je Radio Stari Grad d.o.o., Urijan Dedina 7, 71000 Sarajevo (u nastavku - Priređivač), a ista će se realizovati u programu RSG radija za potrebe sponzora Dubrovački Vrtovi Sunca d.o.o. (u nastavku Sponzor).

■ **Član 2.**

Pravilima učestvovanja u Nagradnoj igri (u nastavku: Pravila) Priređivač definiše sva pravila učestvovanja u nagradnoj igri „Vrijeme je za ljubav“.

Član 3.

Nagradna igra se realizuje u razdoblju od 01. februara do 10. februara 2016. godine, radnim danom, u terminu od 06 do 18 sati.

Član 4.

Ovim pravilima se osigurava ravnopravnost svih učesnika u nagradnoj igri i jednaka mogućnost osvajanja nagrade u slučaju da su ispunjeni svi uslovi iz Pravilnika.

Član 5.

Pravo sudjelovanja u ovom kvizu imaju svi punoljetni državljani Republike Bosne i Hercegovine, a nemaju uposlenici RSG radija i Dubrovački Vrtovi Sunca d.o.o. i sestrinskih kompanija, stalni saradnici i članovi njihove uže porodice. Jedna osoba može osvojiti samo jednu nagradu. Priređivač nije odgovoran ukoliko osoba odbije preuzeti nagradu.

■ **Član 6.**

Sudjelovanjem u kvizu učesnici prihvataju pravila navedena u ovim Pravilima i dozvoljavaju da se njihove fotografije, audio snimci i slično mogu objaviti u eteru RSG radija, na internet stranicama Priređivača ili Sponzora, Facebooku i Twitteru RSG radija. Učesnici pristaju da njihovi podaci budu objavljeni na web stranicama trećih osoba, stranicama Sponzora i stranicama društvenih mreža. Učesnici također pristaju i na fotografisanje prilikom preuzimanja nagrade za potrebe promocije igre i objave u medijima Priređivača i Sponzora.

Učesnici igre pristaju bez iznimke da Priređivač ili Sponzor mogu koristiti podatke prikupljene unutar igre narednih 12 mjeseci za potrebe marketinga i promotivnih aktivnosti, bez ikakve naknade učesniku.



Član 7.

Zadatak slušatelja je da pozovu besplatni telefon RSG radija 0800 510 10 i ostave poruku voljenoj osobi. Svi slušatelji koji ostave poruku, u skladu sa pravilima, postaju potencijalni dobitnici nagrade. Nakon 10 dana stručna komisija će izabirati najzanimljiviju/najoriginalniju poruku a redakcija RSG radija će obavijestiti dobitnika o načinu preuzimanja nagrade.

Član 8.

Nagradni fond čini jedna nagrada – Vikend za dvoje u Dubrovačkim Vrtovima Sunca d.o.o. (paket pod nazivom Romantično Valentinovo). Nagrade obezbjeđuje Sponzor a dodjeljuje Priređivač na način da se maksimalno ispune ciljevi provođenja igre.

Član 9.

Regularnost provođenja nagradne igre provodi tročlana komisija RSG radija, o čemu se vodi dnevni zapisnik.

Tročlanu komisiju čine:

1. Emir Cocalić;
2. Almir Kurt;
3. Aida Tukar.

Član 10.

Priređivač igre će imena dobitnika objaviti u eteru i obavijestiti ih telefonskim putem o osvojenoj nagradi.

Nagrade dobitnici realizuju u Dubrovačkim Vrtovima Sunca u periodu od 12 – 14.02.2016 godine, uz prilaganje zakonski valjanog identifikacijskog dokumenta.

Nagradu nije moguće zamijeniti za novčanu naknadu. Trenutkom preuzimanja nagrade, odnosno potpisom o preuzimanju nagrade, prestaju sve daljnje obaveze Priređivača i Sponzora kviza prema Dobitniku.

Nagrada će biti dostavljena dobitniku odmah po realizaciji nagradne igre. Priređivač i Sponzor nisu odgovorni ukoliko dobitnik ne zadovoljava kriterije za korištenje nagrade te takva obrazloženja ne kvalifikuju za promjenu nagrade. U slučaju da u Pravilima propisanom roku dobitnik ne preuzme nagradu, gubi pravo potraživanja iste.

Član 11.

Priređivač kviza može isti staviti u privremeno stanje mirovanja ili ga u potpunosti prekinuti u slučaju nastupa više sile i izraženih privrednih poremećaja, te o tome na odgovarajući način obavijestiti javnost.



Član 12.

Učestvovanjem u igri svaki učesnik prihvata gore navedena prava i obaveze iz ovog Pravilnika. U slučaju mogućeg spora nadležan je Općinski sud u Sarajevu.

Članak 13.

Ovaj Pravilnik stupa na snagu danom objave na web stranici www.rsg.ba, a njegova valjanost traje do ispunjenja svih stavki predviđenih pojedinim člancima Pravilnika.

U Sarajevu, 25. Januara 2016.

Radio Stari Grad d.o.o.
Broj 002/2016.